

上清玉帝七聖玄紀迴天九霄經

既五

上清玉帝七聖玄紀迴天九霄經

既五

玉帝七聖玄紀迴天九霄上經乃

上聖帝君以九玄建炁之始空靈分判二儀  
既彰九元合韻九帝命靈齋景霄館於是上  
聖攜契玉虛紫賓迴駢丹霄瓊輪上登九層

既五

七暎朱宮徘徊明霞之上蕭條九空之中天  
元冥滯三景合光流精曜虛八會四通交真  
齋契嘯詠太無玄始暎朗天景敷陳河海靜  
波八風颺輪流煙蔚於龍軒浮景揚於九玄  
金仙秉鉞四司杖幡五帝靈官十億萬人飛



麟羽騎備衛天真西華玉女金晨靈童曜雲  
姿於瓊側含仙容於蘭房散靈香以却穢揚  
華精於拂塵遊龍交馳於紫館毒獸奮爪於  
玉關金翅撫翮於瓊林靈鶴飛吟於雲端西  
妃擊節天女羅錚龍吟虎嘯鸞儷鳳鳴四真

合唱八音齊聲雲璈激朗傾駭三清飛歌玄  
奏廣樂虛廷流芬翳霞靈風散真華光交煥  
三燭合明是時高聖太上大道君佩九色離  
羅之帔衣飛森霜珠之袍中須臾百變之冠  
帶晨光日鈴育延之劍豁落交帶玉璽鳳章

流金耀虛七精激无乘碧霞九靈八景流雲  
之輿從飛仙羽蓋桑林千真紫虛之童三十  
萬人顯蓋九霄迴天傾光天丁前駟六師厲  
鋒奔電揚精四明扶靈啟路五老通津飛旌  
瓊途流眇高清上詣九層七暎朱宮道君列

座九帝齊歡三真合韻七聖同欣天音朗暢  
高聖歡焉玄心充於帝簡飛翰蔚乎慶煙豐  
豐神靈德虛体玄曜龍文於滄淵煥彩雲於  
九天濯高貌於蘭玉發金精於瓊泉列七紀  
於上錄明刻書於隱篇括致沈毫運轉滯輪



採結五象攜集上真寔高上之垂化以敷教  
于羣方也於是七聖撰上玄之章集爲靈文  
命龜母按筆太一拂筵天妃侍香玉華執巾  
丹書紫字刻於白銀隱起靈韻結於玉篇題  
以青錄得道之名以付五老上真仙都左公

既五

二

藏於紫籙玉笈封以啓命之章玉童玉女各  
三百人散花侍靈七聖各掌一通西龜定錄  
東華校名請以五嶽群仙後學之人有奏簡  
三元奉錄青宮一年七棟列名上清者皆刻  
注於玄圖得爲太平之上真此乃天誠玄暢

於上聖明德一合於三元故太上告命記乎  
玉文玄契冥唱霄暉內鮮洞玄悠韻輪運應  
玄高範超於三界丹景陵於上真尅得題於  
白簡結錄字於青文冥圖高妙非以簡札翰  
墨所能言宣粗記千分之一略標得真之選  
迹尠迴天九霄白簡青錄上聖帝君受於九  
空結飛玄紫炁自然之字玄記後學得道之  
名靈音韻合玉朗稟真或以字體或以隱音  
上下四會皆表玄名空生刻書廣靈之堂舊  
文有十萬玉言字无正類韻无正音自非上



聖莫能意通積七千年後題崑崙之室北洞  
之源字方一丈文蔚煥爛四合垂芒虛生菴  
藹若存若亡流光紫炁拂其穢金精冶鍊瑩  
其文遂經累劫字體鮮明至中皇元年九月  
七日七聖齊靈清齋長官金青盟天跪誓告

既五

三

虔奉受靈文高上解其曲滯七聖通其妙音  
記爲廻天九霄得道之篇刻以白銀之簡結  
以飛青之文藏於雲錦之囊封以啓命之章  
付於五老仙都左公掌錄瓊宮依四極明科  
萬劫一傳檢以四司之律罰以五帝神兵名

參玄簡當得此文得者輕洩殃滅九族考累  
七玄已身亡命長責鬼官雖有玄名不得入  
仙七聖玄紀迴天上文或以韻合或支類相  
參或上下四會以成字音或標真正諱或單  
複相兼皆出玄古洞之中高聖撰集以明靈  
文後學之士名參其篇得受寶訣自然上仙  
然有六合復有七傷寶之則合忽之則亡有  
分之身勤加精誠長齋靈岳遠尋幽山燒香  
行禮晨夕誦經弄諸雜想心注太真剋得玄  
降白日飛騰



凡後學之士或名不書玄簡而備得寶經者  
皆以已身有宿世重德豐柯垂蔭度逮其身  
或身有冥功志分出羣單心苦尚上感玉皇  
四極所奏五嶽記名致遇經師得受寶文如  
使精勤不犯七傷則使真人下降授其真文  
注上玄紀亦七年成仙也

諸得見上聖玄紀之文者皆以玄名有飛仙  
之分刻書於來生之象逆注玄虛之篇既稟  
人道青宮揀名四司所保五帝所詮玉虛結  
藏紫絡植根骨有奇光舉形合仙四司潛降

陰受寶文太一定籍司命與年魂固魄安六  
胃結真萬神總具剋成上仙修行七年自當  
靈降乘空飛騰

高聖帝君曰凡得七聖玄紀迴天九霄雖未  
昇騰皆青宮揀名告下五嶽付諸靈山河海

既五

四

司官防衛其身玉童玉女各十二人侍衛靈  
文奉經行真此玄挺應會理會自然上聖皆  
以逆注真錄位准仙鄉須以道備四真詣房  
降下雲輿令白日登晨俯仰之格隨品進仙  
此道遐眇非以常學所可窺聞奉者寶祕慎



勿妄宣

高聖六合隱存定簡記仙上法

高聖帝君曰正月一日三月三日五月五日

七月七日九月九日十一月十一日此一年

六日是天德值合之時七聖定簡五帝記名

西龜勒錄東華結篇當此之日天元合慶四

司羅兵高上顯蓋玉虛迴駢九帝東帶七聖

齊靈億真萬仙皆浮位金庭三晨翼軒七元

煥明天地潔落十界肅清九天帝王遣監真

使者高上七聖遣定錄左仙西龜王母命五

老仙伯西皓中真東華青童遣領仙玉郎各  
部飛仙遊輪羽騎周行十天五嶽名山陰察  
洞元已得道者遊散仙官及後學之人名叅  
簡錄身未昇騰或玄紀无名而苦行修勤情  
冠玉虛上感玉皇諸以學身當此之日清齋  
既五  
燒香弃諸異想願合天心存思苦念修行靈  
文爲五帝所舉即勒注白簡素錄記名即遣  
四極下降授以上真七年當得乘空駕虛上  
登霄晨當此之日如有輕慢天寶漏泄玄文  
身犯七傷爲四司所糾有白簡之名者皆勒



落青錄注還鬼官宿元簡記因緣遇經即命  
五帝罰以神兵收捕七祖充責河源死生之  
考如日之明故學在精心不必於白簡玄名  
也唯密唯苦便獲神仙

高聖玉帝道君曰欲書白簡玄紀之名身登

玉清上宮之法當以正月一日上合之時沐

浴清齋平旦入室燒香北向九拜朝禮玉帝

畢北向平坐叩齒九通思齋室之內有青雲

翳鬱周帀一室存五老仙伯在青雲之中披

飛青羽帔冠通天玉冠手執青文之錄思領

仙玉郎著雲錦之袍冠七寶玉冠手執白銀  
之簡思見二真爲我記名於簡之上結錄於  
青雲之編以我簡錄付監真使者定錄左仙  
上刺九天帝王七聖几下簡錄定名五老仙  
伯領仙玉郎化入我身明堂之中便祝曰

上合之日天元肅清高上顯蓋玉帝臨庭九  
真命虛七聖齊靈上校玄記白簡之名勒注  
元錄落死刻生西龜結篇保仙華青上受冠  
帶煥落五形給我羽服降我綠輶得乘飛霄  
上登紫瓊三景合光七元同明永保二儀天



地長并畢又七拜禮七聖咽七炁止此高聖  
經錄刺簡六合之法行之七年先无玄名者  
亦得勒注於玄紀三元下降四極啓靈自然  
洞達得飛行太清也高聖帝君曰欲記名玄  
簡騰身上清之法當以三月三日上合之時

既五

六

沐浴清齋食時入室燒香北向九拜朝禮玉  
天畢北向叩齒十二通思齋室之內有紫雲  
鬱教周帀一室之內存五老仙伯在紫雲之  
中披飛青羽帔冠通天玉冠手執青文之錄  
思領仙玉郎著雲錦之袍冠七寶玉冠手執

白錄之簡思見二真爲我記名於白簡之上  
結錄於青文之篇以我簡錄付監真使者定  
錄左仙上刺九天帝王七聖几下簡錄定名  
五老仙伯領仙玉郎化入我身洞房之中便  
呪曰

天元慶吉上合六陳九帝命靈七聖敷真空  
玄記錄東華結篇名勒帝簡永保上仙音韻  
相和我體自然紫胞玉秀瓊琅內鮮面彩金  
暉骨化如銀竒毛異色上下匝纏玄降九霄  
迴天紫軒六領五龍飛昇帝晨三元合慶得



如所言畢又七拜禮七聖咽七炁止行之七  
年真人見形自注簡錄降致三元乘空步虛  
昇行上清

高聖帝曰欲刻石玄紀迴天九霄之法當以  
五月五日上合之時沐浴清齋正中入室燒

既五

七

香北向九拜禮玉天畢北向叩齒十二通思  
齋室之內中有丹雲煥爛於一室之內存五  
老仙伯在丹雲之中披飛青之帔冠通天玉  
冠手執青文之錄思領仙玉郎着雲錦之袍  
冠七寶玉冠手執白銀之簡思見二真爲我

記名於白簡之上結錄於青文之編以我簡  
錄付監真使者定錄左仙上刺九天帝王七  
聖几下簡錄定名五老仙伯領仙玉郎化入  
我身絳宮之中便呪曰

朱明南丹慶合上陽天元交會六願內昌九  
真七聖齊靈瓊堂上刺玄姑同結錄西音刻書  
正音明達四通丹雲迴霄來降我房飛青羽  
儀翼翼光光左策朱鳳右控遊龍六轡同舉  
超登華堂五老攜契四極齊雙長保玄暉日  
月同容畢又七拜禮七聖咽七炁止行之七



年則玄紀得道之名定於上官迴暎昇入  
无形

高聖帝君曰欲記名西龜之山騰形七暎之  
房當以七月七日上合之時沐浴清齋脯時  
入室燒香北向九拜朝禮至天畢北向叩齒  
十二通思齋室之中有白素之雲虛在蒼藹  
滿帟一室有五老仙伯在素雲之中披飛青  
之帔冠通天玉冠手執青文之錄思領仙玉  
郎着雲錦之袍冠七寶玉冠手執白銀之簡  
思見二真為我記名於白簡之上結錄於青

文之編以我簡錄付監真使者定錄左仙上  
刺九天帝王七聖几下簡錄定名五老仙伯  
領仙玉郎化為我身太素宮中便祝曰

天慶普降上合萬神太白記名東華刻篇結  
以青錄簡以白銀四韻合一齊音成真高聖

說五

玄授以度我身二氣下鎮迴天九煙化為仙  
伯玉郎并真八景攜契上進帝晨朝禮上聖  
福慶九纏長保三光天地同年畢又七拜禮  
七聖咽七炁止行此之道七年則龜母注錄  
東華記名三元下降昇到此紫庭



高聖帝君曰欲刻名於金闕之宮騰身九霄  
之上當以九月九日上合之時沐浴清齋日  
入之後入室燒香北向九拜朝禮玉天畢北  
向叩齒十二通思齋室之中有黃雲鬱勃滿  
室存五老仙伯在黃雲之中披飛青之帔冠  
通天玉冠手執青文之錄思領仙玉郎着黃  
錦之袍冠七寶玉冠手執白銀之簡思見二  
真為我記名於白簡之上結錄於青文之編  
以我簡錄付監真使者定錄左仙上刺九天  
帝玉七聖凡下簡錄定名五老仙伯領仙玉

郎化入我身黃庭之中便祝曰

上合啓晨六慶敷密九真鑑映七聖命日天  
仙定錄五老刻札玄紀我名得叅羣匹迴天  
九霄下降我室啓我自然鍊我形質反華停  
年金容充溢得乘飛輿上昇帝一畢又七拜

既五

九

朝七聖咽七炁止行此之道則五老刻名於  
金闕三元降授於紫輶七年乘空而飛上昇  
玉帝之庭

高聖帝君曰欲書名青華之宮列記諸方之  
府騰身九霄之上逍遙入於大有當以十一



月十一日上合之時沐浴清齋子時入室燒  
香北向九拜朝禮玉天畢北向叩齒十二通  
思齋室之中有五色之雲蒼藹一室之內思  
五老仙伯在五色雲中披飛青之帔冠通天  
玉冠手執青文之錄思領仙玉郎着雲錦之  
袍七寶玉冠手執白銀之簡思見二真爲我  
記名於白簡之上結錄於青文之編以我簡  
錄付監真使者定錄左仙上刺九天帝玉七  
聖几下簡錄定名五老仙伯領仙玉郎化入  
我身命門之中便祝曰

天元大合上慶普隆三元歡悅九帝齊容高  
聖監靈萬仙咸恭五帝定錄四司衛房刻名  
玉簡列記上宮玄上所祐我身入空上變下  
化七十四方逍遙靈館晏轡華堂永保天地  
與劫俱終七元同根二暉齊光六合五願

為仙王畢又七拜禮七聖咽七氣止行此之  
道則東華刻名於諸方五老記名於三元五  
帝君右別四真降房七年飛行上昇帝堂  
高聖帝君曰此六合之時天真刻簡定錄之  
日下諸名山四司五帝揀校玄名得在玄紀



之中皆逆注其名位准仙卿依其合日行禮  
燒香願念存祝上感神真七年太帝命靈四  
極真人下降兆身授兆真文寶訣白日登  
空也

高聖玄紀得道隱名內文上篇

既五

高聖玉帝君列玄紀上篇曰

十

清容內結華外鮮  
長燈朗室永垂天

晨君西遊披日門  
唯見北鎮對天關

堂有紫賓玉賢君  
三五居上夾一元

立求日精止月魂  
苟與契合合玄文

芝英浩浩草穢紛

凝霜下激萎華繁

二十七數音合圓

雙日杳光曜天端

赤龍御世此道分

若明其訣昇九雲

四極下降授靈篇

給以羽服飛青裙

乘空策虛造金門

此道密妙慎勿傳

殃滅汝身及七玄

後學有分審此言

高聖太上大道君列玄紀上篇曰

有日垂光照人山

長彌浩浩與天連

高崑植麥結華鮮

八月羽輦翻凌天

已與言韻有八人

二八人與火合煙



人之立左恭不臣 了無宗緒一爲親

二口兩分日并身 靈泉左流灌米四

呂伏岩下至強秦 雲中之子巾素巾

玉璫合寶青華裙 得道不久承唐年

青炁行治吾道宣 有得其訣奉聖君

統五

十一

乘空駕虛上九玄 自知玄記白簡文

其法密寶見者仙

上聖紫清太素三元君列玄紀上篇曰

三五之末至道沈 門內有人名觀音

閉口不言歷古今 空洞之中穴何深

工非神匠帶人心

單車失迪登山林

冥木茂盛鬱陽森

我有何求山下吟

一土參玄據宮商

披褐詠經理靈衿

白玉峩峩陵雲岑

十斗歷數力相尋

鳴齒召神合玉音

與月相望期上金

皇上八真來相憑

白帝行炁道當新

名書紫簡得其篇

西龜定錄位真人

逆注玄紀應自然

慎勿妄泄道泯泯

所謂法鼓會羣神

五十年五更

上聖白玉龜臺九靈太真西王母列玄紀上



篇曰

玄古之上引弓長

立人在左專為強

白簡玄紀草飛翔

十口學道並無糧

山下餌豆過十昌

三力同心君牧羊

日月乘焉四體強

一士二刀齊四鄉

千子合真八來迎

北極女子頭建巾

與月結期生雲英

龍飛之後道當行

要須玄記補上宮

名參青錄昇西堂

自得其訣乘空翔

遨遊八極樂未央

子有此文深祕藏

四極試觀題諸方

逆注玄簡東華宮 不出七年約來從

上聖中央黃老君列玄記上篇曰

上元有真一炁玄 守之者何月中人

了不學他遇一賢 誓信奉受受要言

迅轡九霄卒獲真 朱玉含寶華光鮮

既五

十二

綠草鬱鬱坐丹田 日精帶中赤石邊

昌元之先昇三天 金王木廢選此人

各自勤心尋道根 尅見玄紀及靈篇

上得書白簡青錄文 四極下降授子真

乘空飛行昇九玄 輕傳妄泄入幽泉



長充鬼役不得仙

上聖扶桑太帝君列玄紀上篇曰

紫虛玉館乘素絲

唯有皇人心相期

周之後氏田中兒

月照幽谷上高臺

歷觀八極見赤精

洞念幽微二人并

俛仰尋真力手輕

得道寶訣首體生

北有上真南方平

安在玄闕期高靈

十子八實輔吾經

當須金後道治清

學者勤念尋其名

尅書玉簡致紫輶

三元詣房授真經

曉知玄紀昇三清

飛行玄虛登帝庭

深藏寶密尅得仙

妄洩輕傳滅介形

死充下鬼畢劫齡

後聖金闕帝君列玄紀上篇曰

九一之字難可聽

在崑之南易為名

竟須九鍊與金精

圓口之中光延明

既五

十三

二日守元見真形

碧石落落人中生

耳下帶玉口詠經

綠草鬱鬱夏夏榮

上素絲結三心并

皇老光光耀日庭

高上真人叩玉瓊

至於萬劫乃成嬰

良木重森植秀齡

兩輿羽合灑八冥



六十玉女侍汝形 奎宿入呂輔刀兵

赤兒出遊六國平 四方之數萬神靈

刻書玉簡補上清 壬辰之後道治明

必有先智得此經 當爲人宗簡勤精

十五五結弟兄 登山告盟列華清

得有此應注玄名 三元下降致綠軒

弓口出治侍華庭 當此之時樂未央

高聖帝君曰高上受九玄之炁布位萬真三

十九帝二十四王皇以部上清之宮分炁散

靈以總兆民玄空之內送注白簡二十四萬

人應得道者後學有見其文名參其韻尅成  
上仙至壬辰之後至道當行扶桑大帝當以  
其時遣四極真人遊盼下世歷諸名山六  
之中部五帝神官揀校玄名有合真之人當  
授寶訣使爲師宗揀擇骨性有名之身登山

第五

十四

告盟列表青宮結帝授言須太平卯木宮  
出治當解結孟津奏迎聖君於上清宮自元  
玄名不得參其上篇有得之者便以白簡定  
數勤修苦行長齋念真七年自當有靈瑞下  
降悟子神真也便得爲學者之師宗也自元



此挺弗得窺看輕洩安宣七祖充責登履刀  
山已身亡命長謝河源不得入仙

高聖隱書金名玉字內文

高聖帝君曰金閣有隱書玉名

高聖帝君曰金閣有隱書玉名

有知者飛昇金闕騰景上清佩之者則金閣

刻書玉簡注名四瀆五嶽靈仙管衛送迎九

年得乘飛雲役使玉女十二人丹書白繒  
高聖帝君曰上清金書玉錄上文

鸞 氣 幽 直 氣  
為 氣 處 固 書

有知者飛昇上清位齊四真佩之者則上清  
刻書金簡注名神仙告下五嶽以仙官扶迎  
青書白繒

高聖帝君曰太極白簡青文



法  
或  
為  
變  
為  
盛

有  
南  
者  
率  
與

有知者飛昇太極官騰景金闕之中佩之者

既五

十五

太極刻書於簡文注名於神仙四極營衛九

年飛行青書白繒

高聖帝君曰方諸玄素紫名隱文太極白簡青文

聖  
德  
無  
量  
壽

飛 龍 氣 廣 與

有知者飛昇方諸官佩之者則方諸刻書玄

素紫名九年飛行神仙衛迎五嶽記名青書

白繒

高聖帝君曰太清玉籍絳名隱文

飛 龍 氣 廣 與

飛 龍 氣 廣 與





者太素刻書瓊簡九年降致飛雲白日昇天

黃書白繒

高聖帝君曰南極有丹文紫錄上文

縹 素 絳 紫 青 黃 赤 白 黑

既五

十六

縹 素 絳 紫 青 黃 赤 白 黑

有知者白日飛昇謁南極上元得佩之者則  
南極注名於紫錄九年三元君下降授子真  
書白日昇天丹書白繒



嚴弱勝嚴  
高聖帝君曰玄宮上元青金赤書隱文

有知者飛昇雲宮騰景上清佩之者目見上

元真形九年降兆之房授兆真書即得神仙

也青書白繒

高聖帝君曰玄都丹臺白玉金字隱文

既五

既五

既五

既五

既五

既五

既五

既五

既五

既五

既五

既五

有知者白日飛昇玄都佩之者刻書丹臺之

名九年乘空景而行久久神仙黃書白繒

高聖帝君曰三元官琳札青書隱文



靈 精 言 龍 雞

靈 言 言 隨 功

有知者白日昇天上拜三元君得佩之者刻

名於瓊琳之札九年三元詣房授兆真文神

仙飛行青書白縉

高聖帝君曰玄斗之中玄名錄籍隱文

靈 言 言 隨 功

張 珙 升 陸 房

知者得昇玄斗之中飛行上清之宮刻書玄  
斗之名九年神人下降授兆真書行之神仙  
黑書白繪

高聖帝君曰五嶽有丹書瓊簡紫錄之名

遊 履 璠 祖 立 仁

逸 務 通 匡 水 亦



知者白日昇天飛行五嶽仙官防衛光身五  
帝刻名於五嶽之簡九年乘空飛行上昇玄  
宮青書白繒

諸隱文皆玄古空同之書以表得道合仙之  
人有得見此文皆四極所監五帝所舉萬靈

既五

十八

侍衛羣真敬迎有知其音飛行上清三元下降  
與兆同昇得佩其文刻書玄圖給玉童玉女  
各十二人遊行五嶽履涉名山十界稽首萬  
仙來朝九年自當洞明其音與神人交言乘  
雲步虛飛行太空高聖隱存刻書瓊文簡錄

上法

高聖帝君曰欲書名金闕玉錄飛行上清當以正月一日丹書金闕隱書玉名十音向寅上服之叩齒十二通微祝曰

天恢炁精五晨絡形稟統玄古金闕記名上元合慶天津敷榮服御隱文身飛王清洞曉自然與帝合靈畢咽炁九過上九拜朝金闕帝尊便止行之九年金闕書名刻字玉篇自然明解天書與帝合并也

高聖帝君曰欲書名上清金書玉錄之文飛



行上清之宮者當以二月二日青書金簡玉  
錄十音白紙上向東服之叩齒九通微祝曰  
胤元玄靈承古法虛骨象應圖玉錄金書河  
魁絡已五神煥舒次慶二元玄津降廬名題  
上清得乘飛輿永享無窮福慶有餘畢咽炁

既五

十九

八過向東八拜朝上清之宮八帝尊神止行  
之九年則上清刻書玉錄降飛雲丹輿上昇  
玉清之宮

高聖帝君曰欲書名太極白簡青文飛行太  
極之宮者當以三月三日青書白簡青文十

音向辰上服之叩齒十二通微祝曰

三合成契玄網總辰五體法圖玄簡青文名  
題太極位准上仙三元已布六炁敷陳金音  
玉字我啓自然得乘飛景上造帝晨畢咽炁  
十過向辰四拜朝太極四真止行此九年太  
極書名四真下降授兆真文自解明音飛行  
上清也

高聖帝君曰欲書名方諸玄素紫名飛騰東  
華之宮者當以四月四日素書玄素紫名十  
音向已上服之叩齒九通微祝曰



九玄散靈七聖翼讚八道暉光流精朗煥天  
元羅張玄圖啓韻名題方諸飛昇玄漢畢咽  
炁九過向已上九拜朝青宮方諸大神止行  
此九年方諸刻名真人下降授兆真文明解  
聰慧逆觀未然乘空飛行

高聖帝君曰欲書名太清玉籍絳名隱文飛  
騰太清之中者當以五月五日丹書玉籍絳  
名十音向南服之叩齒八通微祝曰

離建玄綱分位九宮施元散靈總監八方炁  
籍隱書玄圖大空帝尊曲映我位仙王得乘

飛景上昇紫房長保天地日月齊光畢咽炁  
九過向南再拜朝南極上元君行此九年太  
清刻書玉籍絳名九孔洞達察觀幽冥真人  
下降與神交言

高聖帝君曰欲書名太素瓊簡金名飛行太

既五

二十

素上宮者當此六月六日黃書瓊簡金名十  
音向未上服之叩齒八通微祝曰

素靈皓華四真布精玄圖瓊文金字紫名刻  
書太素四會洞生三元交慶我稟太真得乘  
八景丹轅綠輶逍遙无崖上造太清畢咽炁



八過向未八拜朝太素止行此九年則刻名  
瓊簡得給飛行之章乘空而飛上造太素宮  
高聖帝君曰欲書名南極丹文紫錄飛行南  
極上宮者當以七月七日丹書紫錄十音向  
申上服之叩齒三通微祝曰

丹文結錄紫元玄文華光交灑上具敷雲散  
景曲鑒我道獨分翠羽飛章丹錦綠裙乘景  
虛行飛入洞門攜英九老八真齊羣畢咽炁  
八過向申八拜朝南極上元八帝太真畢行  
此九年南極刻書丹文紫錄之文三元下降

授兆真音乘空而飛上見南極之宮

高聖帝君曰欲書名玄宮上元青金赤書隱  
文飛行玄宮之上者當以八月八日青書百  
金赤書十音向西方而服之叩齒九通微  
祝曰

既五

三

天迴炁布四網正方三五結絡九道成叢育  
金赤書文耀太空玄圖乘音八達四通洞得  
幽微朗覩無窮得朝三元進登紫房出入三  
清長保華光畢咽炁六過向西六拜朝玄宮  
上真止行此九年則上元刻書青金赤書隱



篇自然明解曉究幽窮與神交通乘虛飛行  
上昇上清

高聖帝君曰欲書名玄都丹臺白玉金字飛  
行玄都之上者當以九月九日黃書白玉金  
字十音向戌上服之叩齒三通微祝曰

天道順迴玄斗運精三元應機交會啓靈玄  
圖隱錄丹臺金名白玉峨峨我道以明八會  
四通上下洞清神炁下降六府結靈得乘飛  
霄丹轆紫輶攜契四真上造華青畢咽炁九  
過止向戌再拜朝玄都上真帝尊止行此九

年則玄都刻名於丹臺九老下降兆房授兆  
真文神人交言白日昇天

高聖帝君曰欲書名三元宮琳札青書隱文  
飛昇三元之宮者當以十月十日青書琳札  
青書十音向西北而服之叩齒三通微祝曰

九炁鬱靈三道迴周皇上置位玄圖應符七  
聖曲映已鑒我軀名書琳札位准玄州控轡  
特昇上到雲衢三晨齋景八真結傳與天相  
保永無終休畢咽炁三過向西北三拜朝三  
元止行此九年則三元刻書琳札之名下降



北房授兆真文審察幽微飛行雲宮

高聖帝君曰欲書名玄斗之中玄名錄籍飛行上宮者當以十一月十一日墨書玄名錄籍十音向正北服之叩齒十二通微祝曰

玄斗運炁迴網整辰八炁應靈玄圖記仙題

既五

三二

名玉札上合天真斗中華蓋七元大神降我妙道啓我自然令我飛騰上之帝晨畢咽炁七過向正北七拜朝斗中七真止行此道九年七真刻書玄斗錄籍真人下降授兆真文自然洞達曉知自然乘空飛行上昇斗晨

高聖帝君曰欲書名五嶽丹書瓊簡紫錄之名飛行五嶽之法即當十二月十二日青書瓊簡紫錄十音向東北服之叩齒三通微祝曰

五嶽丹房羣仙所宗帝靈刻書云古上皇玄圖紫名定錄五宮我稟自然法景太空服御靈音洞觀八方上宴玄都出入無逍遙太極無終無窮五嶽上真結我爲朋降致飛霞昇入帝房畢咽炁五過止向東北五拜朝五帝靈尊畢行此九年則五帝刻書玄名於五



嶽瓊簡紫錄之文五嶽仙官侍衛光身降致  
飛與運兆之身遊宴五嶽之宮

右高聖書名玄圖服御靈音自然上法後學  
得行此道則有玄名於上清刻玉簡於華宮  
五帝扶護仙官歡迎身發紫炁項有圓光

既五

二十三

曠元幽坐觀自然九年靈降三元詣房靈輿  
羽蓋迎兆之身飛行玄虛位加仙卿密則靈  
降洩則滅身妄行不真七祖充責萬劫不原  
己身長命永無復仙有志之士慎密此文

高聖帝君曰後學有好尚勤修仁和行柔色

弘四大觸類有容如此之人皆玄名題於帝  
籍紫字結於玉篇納元啟於神圖德尚顯於  
合仙內則感太極鑒映外則總六匠之宗功  
滿道備則自然白日昇天

高聖帝君曰後學之人或有皮好而望仙朝  
勤而暮怠內希騰舉外重榮利或形謹而心  
放或心勤而口慢或學木弘補以攻伐師宗形  
論萬物毀賢嫉聖愛彼憎此罔弱朋強或嗜  
酒耽色亡神喪精或遇經不盟竊看祕隱輕  
減靈密以示非類傳不關告五嶽無盟皆爲



宣洩犯考四明如此之人徒有仙相名書帝  
篇行乖本根更招考罰上累七祖罪滅其身  
永失仙道長充鬼役輪轉五苦痛念何言  
高聖仙禁七傷之法

凡學士玄紀有名身有仙相自然合真而心  
不堅正者七敗傷之

第一之傷帶真行偽媿色器神耗液洩漏精  
光枯乾炁散魄零骨空形殘神泣窮府上聞  
天關真仙遠遊魔魅來干自與幽陰玄紀除  
名九獄結因六天相親淪苦無極豈復得仙

第二之傷外形在道皮好念真而心抱陰賊  
凶惡素堅願人否敗嫉能妬賢口羨心逆面  
喜內瞋形論得失好結罪源毀謗同學攻訐  
宗根三官所記標爲惡門仙真弃置邪魅附  
身走作形影飛散體神故令枉橫極其惡緣

既五

三四

考滿形滅魂沉九泉徒有玄名豈保自然

第三之傷嗜酒好醉損炁喪靈五府亂潰萬  
神振驚魂魄飛散內外朽靈本室蕭索赤子  
悲鳴真仙高逝魔精入形如此之形徒積精  
誠雖有玄紀竟失玉名神拘六宮身灰幽冥



以此求延年焉久停

第四之傷行不弘潔責人宗敬心忿口罵好  
為鬪競瞋喜失節性不安定炁激神散內真  
飛迸魄離魂遊自致災病年壽頽盡皆由於  
性真仙高遊衆疾來傷雖有勤學不免斯殃  
望仙日悠地獄日長

第五之傷或玄圖表見得受寶經或運遇靈  
師啓授神文而不依科盟形洩天真未經九  
年授刺名山使青宮有錄金闕結篇便傳於  
人流散世間輕真洩寶老結已身徒有玄名

反累七玄仙道高遊身死幽泉長充鬼責萬劫不原

第六之傷身履穢穢形影不香內無清虛外無蘭芳道不降真神不居房去擾精濁靈元失光五神迸散赤子飛颺邪魔來攻內外受

既五

二十五

殃以此而學望益反傷仙真高逝尸軀獨行淪沒不救仙胡可成

第七之傷啖食含血之肉殺害供口之美羶腥充於臟腑傷生殘於非已真炁擾於靈門遊魂駭於赤子魂魄逝於宮宅穢濁纏於口



齒仙真遠棄於雲霄已身沉頓於地裏徒有  
玄名帝簡終不免於形死

高聖帝君曰爲學之本當以七傷爲急旣得  
瞻盼洞門披覩玉篇不犯七傷之禁將坐待  
靈降白日昇晨如外勤在學內有違於七傷  
者此將望仙而反敗期生而反亡希吉而反  
凶期飛而反沉靈仙遊於高濤五神散於八  
荒赤子號泣於中宅遊魂悲鳴於玄空故仙  
相有成敗上學有七傷篤尚之士熟精其真  
高聖帝君曰凡有玉骨丹文列名帝圖得見

七聖玄紀凡有金髓紫藏名題金札得見隱  
書內文凡有神竒異毛紫胞玉絡名標上清  
得見白簡玉篇諸有流精紫光內映外靈寶  
藏金容名書玉虛得見青錄之文諸有神挺  
應國瓊胎紫虛名題東華得見七傷論文自  
無此挺靈篇不可得而妄披寶文不可得而  
覽也得見此文皆玄質合仙九年修行剋得  
飛行玄虛上昇玉清也

凡受七聖玄紀迴天九霄白簡青錄之文師  
弟子對齋九十日或三十日弟子贖上金七



兩紫紋七十文上朱七兩詣師北向告命高  
聖盟天而傳師授不盟輕洩寶文弟子受而  
無信窮披玉篇同被風刀之考七祖充責三  
塗五苦萬劫不原五帝神兵常糾漏洩明慎  
奉行

既五

二十六

上清玉帝七聖玄紀廻天九霄經



